

學古堂日記

元和王頌清讀爾雅日記

釋詁

瘧病也

案此經瘧病也下文瘧勞也詩板篇毛傳云瘧病也

正義云瘧病釋詁文釋文瘧沈本作瘧竊謂爾雅病

也勞也兩誼本皆作瘧故說文兼之云瘧勞病也左傳

襄十九年荀偃瘧疽疏同據此則古本瘧作瘧其作瘧者或三家

本後人據以改爾雅緇衣釋文本下民卒瘏云瘏本亦作瘧禮記所引即本三家

觀詩正義所稱沖遠所見爾雅自作瘧也

嶠危也

案古人於危字有本誼有段誼王氏引之經義述聞云一爲危險之危幾殆是也此本誼也一爲詭詐之詭噏是也此段誼也噏與譎蓋一字古人於从言从口之字其誼多可竝訓如噏作譎噏作譎之類說文不言噏爲譎之重文而於口部復載噏字非也危卽詭之通段字漢書天文志司詭星史記天官書作危淮南子尺寸雖齊必有詭文子詭作危是危詭相通之證論語晉文公譎而不正齊桓公正而不譎鄭注云詐也說文云權詐也三蒼云詭譎也廣雅云譎詭也詭與譎同譎詭二字互訓然則此經噏危也本字當作譎詭也玉篇廣韻云噏危也皆本爾雅郭氏不明此誼故曰未詳邵郝兩家

但舉龍龕手鑑引爾雅注云嘑事之危也爲證殆亦未知嘑卽譎之別體乎

𠂔息也

案說文有𠂔無𠂔唐韻𠂔𠂔兩字俱苦怪切集韻口
𠂔切竝音𠂔是𠂔卽𠂔之譌然訓息之誼終不得明
考釋文曰𠂔字林云𠂔也或作𠂔說文口部𠂔大息
也是𠂔卽𠂔之段借字作𠂔者又𠂔之或體字

𠂔因也

案說文人部無𠂔字手部𠂔下云推也論語其父𠂔
羊注謂因其自來而取曰𠂔據此則𠂔𠂔誼同𠂔因
也古本當作𠂔因也今本作𠂔當是𠂔之俗

猷已也

案猷猶古字通詩召南實命不猶爾雅釋言猷若也
引詩作實命不猷大雅厥猶翼翼或作厥猷皆其證
猷已也者春秋僖公三十一年免牲猶三望公羊傳
云猶者何通可以已也穀梁傳云猶者可以已之辭
也翟氏灝云猷與已皆發語辭是也

窕閒也

前脫釋言
二字一行

案廣雅釋詁一窕好也揚子方言云窕美好也又云
窕言閒也都詩周南關雎窕窕淑女傳云窕窕幽閒
司馬法嚴位篇云凡戰之道力欲窕氣欲閒是窕有
閒誼郭注云窕窕閒隙恐非

昆後也

案說文弟部周人謂兄曰鬻是男子之先生者謂之
鬻與訓後之誼不合然考釋親來孫之子爲鬻孫注
云鬻後也鬻卽昆字阮氏校勘記曰史記索隱孟嘗
君列傳漢書惠帝紀師古注皆引爾雅來孫之子爲
昆孫是唐初本爾雅作昆又吳都賦虞魏之昆顧陸
之裔劉注云昆裔皆後世也據此而言昆之訓後得
其誼矣

釋訓

繩繩戒也

案詩周南繩繩兮傳云繩繩戒慎也抑子孫繩繩箋

云繩繩戒也下武繩其祖武傳云繩戒也管子宙合篇故君子繩繩乎慎其所先是繩有戒慎之誼其訓已故繩與慎音相近也故繩其祖武三家詩作慎其祖武

旭旭僬也

案郭云皆小人得志僬蹇之兒釋文云郭呼老反說文旭讀若好呼老卽好字之音易家人卦家人嗃嗃婦子嘻嘻說文無嗃字漢書揚雄傳嘻嘻旭旭正本易誼疑易古本有作旭旭者詩巷伯篇驕人好好毛傳云好好喜也疑三家詩亦必有作驕人旭旭者故爾雅釋之

不適不蹟也不徹不道也

案不適不蹟不徹並見於詩而爾雅統釋之爲不道

也擲風報我不述古作不適

適卽述古文段借字

孫炎云適古

述字毛詩云述循也釋詁適循也釋文本又作術鄭

注樂記韋注魯語並云術道也是不適卽不述不述

卽不以道也沔水念彼不蹟傳云不蹟不循道也十

月天命不徹傳云徹道也郭所見爾雅不適不蹟下

衍一也字故但以道釋不徹而不以道釋不適不蹟

報我不述陳氏與毛氏傳疏云不蹟不徹皆用釋訓

文不適爲不道亦當用釋訓文其說是也

每有雖也

案此經每下不得有有字

阮氏校勘記云詩皇皇者無有字者爲是

華篇每懷靡及毛傳云每雖莊子庚桑楚篇每發而不當釋文引爾雅每雖也玉篇廣韻俱云每雖也詩常棣篇每有良朋又云雖有兄弟是每有卽雖有也彼箋云每有雖也有亦衍字陳氏奐云爾雅訓每爲雖非訓有爲雖也其說最確又案皇皇者華正義云下篇每有良朋之下有每雖之訓蓋謂常棣箋有每雖之訓也箋訓出於爾雅則爾雅本無有字可知矣今俗本作每有雖也者蓋誤於唐石經本耳

暨不及也

案釋詁云逮及暨與也釋言云逮及也皆是轉輾相

訓則此經暨及也不宜加一不字且考傳注訓暨爲
及俱本於爾雅郭氏引公羊傳以釋不字未免失之
迂遠

釋親

來孫之子爲舅孫

案此經舅字凡十六見釋文云本亦作昆疑古本舅
孫當作昆孫案阮氏校勘記云史記索隱孟嘗君列
傳漢書惠帝紀師古注皆引爾雅來孫之子爲昆孫
是其證又考說文弟部周人謂兄曰舅經典俱作昆
弟不作舅弟然昆弟之昆爲舅之段字而昆孫之昆
當是貫之轉聲字案釋名釋親屬云來孫之子曰昆

孫昆貫也說文玉部琨或作瓊皆其證也自關成石經始以昆弟作舅弟並昆孫字亦作舅孫其悵失矣

釋宮

九達謂之達

案自一達至九達郭氏皆以爲道路歧出之名杜注左傳云達道方九軌也隱十一年正義云李巡注爾雅亦取竝軌之誼是此經李郭說異竊謂爾雅之達與左傳之達不同爾雅之達乃九道交出之名自一達至九達誼皆一律淮南子說林篇楊子見達路而哭之爲其可以南可以北此爾雅誼也左傳之達是道路之通稱魯之道必四達齊之道必六達鄭之道

必九達傳於魯國多言衢於齊國多言莊於鄭國多
言達命名取義絕然不同如執爾雅以釋左傳則雅
訓失而傳義亦不明矣

學古堂日記

吳縣董瑞椿讀爾雅日記

釋詁

幬有也

郭注引詩遂幬大東邢疏今本作遂荒此言

遂幬者所見本異也或當在齊魯韓詩邵氏晉涵郝

氏懿行俱曰幬荒聲轉

案荒之本字爲荒荒从亾得聲亾有無音幬之可作

荒猶無之可作亾也

副審也

案說文副判也判之解爲分析周禮朝士凡有責者

有判書故書判爲辨鄭司農云辨讀爲別謂別券也

辨別與分析胥有審義副既解判卽以判之義解副
爾雅所以曰審也郭注副長失之

士察也

注曰士理官主聽察

案士雖主聽察要不可卽謂之察注義非也說文士
者事也事有二義一職守之事同司周禮師氏司王
朝媒氏司男女之無夫家者注並訓司爲察一服役
之事同伺玉篇字林俱曰伺候也察也在說文亦爲
司史記淮南厲王傳使人候伺漢書作候司又案自
虎通通古今辯然不謂之士通辯亦察也景純舍士
之本義反借士師之士未知何故

釋言

律述也

案郭注與適皆訓敘述邢疏律管所以述氣經史問答非之蓋律雖述氣不可卽謂之述也爾雅有一字

具兩義卽以一字包兩訓者

錢辛楣云如台朕賚畀

之子台朕陽則

子我之予等是不明斯例不可以讀斯經此條訓適

之述爲敘述之述璞注可遵訓律之述則爲法術之

術璞注不可遵術作述者如詩日月報我不述釋文

本亦作術也釋詁曰律法也廣雅釋詁又曰術法也

律術旣同訓則律述自可互訓矣

原再也

案原在說文蠹部古文作屮說文凡積三爲一之字

俱取重複之意如三人爲眾三日爲疊以及香案麝

藿蠶蠹蠹桑等字指不勝屈原既古文从三泉則觚

字之初本有重複意在重複者再也

禮玉藻酒內之賜勿再拜注再

重也周書大開武無再失注再失猶復失

故周禮以再蠶爲原蠶此經亦

釋原爲再又玉篇再仍也今仍舊吳中評爲原舊殆

亦古訓之偶存者乎

基經也

郭注基業所以自經營

案注近鑿詩終南有紀有堂傳紀基也言紀爲基之

借字也疑此文之基乃紀之借字國語晉語蔽兆之

紀注云紀經也

眡重也